

威仰南方赤帝赤燿怒西方白帝白招矩  
北方黑帝叶光紀中央黃帝含樞紐蓋舊  
來有經中注解即以此五帝為五老已恐  
不安而有青帝司春赤帝司夏之類乃五  
方帝也此則當與三官同為考察之司此  
外五帝之位尚不止此酌其事體則齋壇  
之位只用東方青帝南方赤帝西方白帝  
北方黑帝中央黃帝乃為通義不必指五  
老上帝以為定制况先儒論五帝古今未  
有酌義而司盟齋事乃三界有司之職故  
位在玄中之下而與三官同列是尤不可  
定為五老上帝也貫通經教之士更詳考  
之又重序于醮謝聖位內矣

上清靈寶大法卷之二十六

上清靈寶大法卷之二十七

洞玄靈寶法師南嶽法華尊者撰初唐劉金九中編

奏申文檄品

神仙之門戶不一而立功濟世為首故法錄  
行持之士宜勉力於教科既未能通真達靈  
凡有請祈須仗文檄然須言辭有理亦要  
典格無虧有如朝廷疏狀尚有定格高天  
上帝無極至尊豈可妄亂褻瀆主願齋醮  
職在闡宣通達悃誠利濟幽顯既在練達  
科教要在少通文辭况黃錄大齋人天所  
重全在高功立意措辭不當隨順俗情鹵  
莽備奏於理窒礙決難感通科法之中事先  
闡奏故以奏申文檄隨法應用而不敢畧也

奏狀式

具法位臣姓某誠惶誠懼稽首再拜

上言臣入意謹錄狀上奏

某帝尊玉陛下臣恭望

天慈允臣所奏特賜頒降施行臣千冒

天威下情無任惶懼待罪之至謹奏

年歲次 月 日具法位臣姓某 奏

此一奏式世人用之者少浙中尤不識此

格允中師傳一宗行之久遠仍只用於三  
清上帝昊天北極天帝而已蓋以三清天  
尊即玄元始三炁也三炁為萬化之根源  
三界之宗祖生育天地肇造陰陽無形無  
名難思難議號為天尊蓋強名之也至于  
昊天上帝為萬天之主宰統御萬靈上應  
玄炁北極大帝總錄萬星為天之樞紐上  
應元炁天皇大帝現象則居句陳之下位  
亞紫微垣上應始炁三界之外六極之中  
莫尊於此矣故用此奏牘畧如章首之文  
不敢於世間常禮瀆之也故其所乞亦不  
敢繁辭只乞頒降施行而已至於請醮則  
於上帝之前只云欲望天恩鑒錄可也

奏狀前貼黃在銜位之右黃上之字行與

狀字行疎密相同貼與上言字平行以單

款狀後倚黃云乞付合屬具司頒降施行

貼在年月之右通倚黃上用印如世間奏

狀式也

內封皮

天尊玉陛下

具法位臣姓某謹封

方函

奏狀謹上詣

具法位臣姓某謹封

三天門下天樞院進奏

方函上或云奏狀謹上詣

三天門下天樞院投進亦可仍別狀申天

樞院謂之引進狀單發一通則附奏狀函

內如累牘則開列申狀別函申天樞院此

則猶世間奏狀別申門下省也

申天樞院狀

具法位臣姓某

今為某事見行錄狀上奏

天闕須至申上者

右謹具申

三天門下天樞院主宰高真欲望真慈特與

通進施行某干冒真威不勝惶懼謹狀

年歲次 月 日具法位臣姓某 狀

允中考之教典而高天主宰亦有可知者

亦有不可窮者若非洞徹玉清面朝金闕

固不宜私見臆度妄撰名位也今於天曹

省府只稱主宰高真免犯禁忌正典不出

而世間所傳呪之書難於據憑也上界諸

天尊諸天帝道君元君天君若天尊天帝

則正典位號如道君則紫微上官明皇道

君之類是也元君則萬炁祖母元君之類

是也斯皆與諸天帝相同並用奏狀則如

世間奏狀式近世傳受法書妄立上真名

位不可備述並不在此例如天師而過呼

天君追魂玉女而呼元君者其為紊亂典

章尤甚斷不宜因迷蹈誤也戒之戒之

奏式

具法位臣姓某

右臣謹據入意謹錄狀上奏

某帝尊陛下欲望

天慈允臣所奏特賜矜宥施行臣干冒

天威下情無任惶懼戰慄之至謹狀

歲次 月 日具法位臣姓某奏

已前後貼黃並同世法方函則隨所詣官

闕若非正典所載不得撰立宮闕名號本

欲異於他人以誑世俗殊不知竊瀆上象

自貽天憲愚者襲之愈誤後學切宜遵古

可也若世間奏狀亦有先具銜位次錄事

因後起右列者道家近用之全依世間格

也

世格奏狀

具法位臣姓某

準格或據詞入意須至奏

聞者

右所據已如何施行欲望真慈允臣所奏謹

錄狀奏

聞伏候

勅旨

年歲次 月 日具法位臣姓某狀

世間格內又一式

具法位臣姓某

右臣入意謹錄狀奏

聞謹狀

年歲次 月 日具法 狀

前後貼黃並如常式但世間之格式惟道

家所奏帝尊位號不一難悉得其傳授近

世多用此二式而添入聖位是又與世法大同而小異矣如章文之狀惟允中一派用之從世俗者多止用此世間之格自從事宜也

上界列真日宮月府五星四曜北斗三官

四聖五師高天上輔玉帝貴臣天曹主執

上境諸司並用申狀

嘗謂齋醮之儀闡宣之典文移奏告利害

不輕近世所行或於七元五師上界列真

悉用奏牘甚至泰玄都省亦有奏狀者

且故依効近世朝廷名位自行注擬高真

隨意褻瀆且如玄中法師雖為科教之宗

然於天則臣也或者以為老君化身行教

而正典未見出處設使果是老君分炁易

形亦不可尊為帝也蓋始炁居於太清則

為天尊也若化形而行教且曰玄中法師

是三境之臣也老君先天立教歷劫度人

不可備舉至周為柱下史隱名易號託質

人蒙志在度人無拘高下當此之時不過

周室之臣爾及其紫炁度關青牛返闕凝

真霄極正位太清當此之時謂之天帝謂之上帝故分形下降臣事周室之時不以為卑炁返高穹君臨上境之時不以為尊本於妙有妙無之間隨其化現而名之可也若為道德天尊則天中之君也合用章奏也若為玄中大法師則天上之臣也合用申狀也今欲徑指玄中為老君則不然也或者又稱玄中法師為靜老天尊尤具謬矣道經師三寶蓋道不可名因經立教教典既立非師不傳齋壇之中合崇宗本故自道而經自經而師非以其位列三寶而便為上帝舊有羅天醮位及宋朝再加編考當時道錄院參稽典格而五師之位乃在三官四聖衆真之下爾至如正一天師尤不可誣之按天師以東漢光武之世生之於吳之天目山後世嘗立神仙觀是其所也漢末永壽二年飛昇於蜀太上遣五帝使者授天師位為正一真人面朝九清臣事三境本傳并經籍昭然者齋醮之科師為宗本別立專幕者禮也文狀之間

合用申牘降於天帝可也豈應君前亦奏臣前亦奏可乎墜天師玉帝為一等可乎天師上昇之日位方為真人宋朝方上號為正一靜應真君已自穹於天爵矣或者又稱為天君夫天君則與天帝並也清微天寶禹餘靈寶大赤神寶即三炁天君也東方青靈始老天君暨西南北中則五天君天師得同此位乎天師傳通經籍九流百家莫不精究功成行著拜命升天其於禮法名分之間其嚴也審矣茲觀世之愚夫貢諛獻佞上之奏狀呼為天君又安得不振怒哉第恐此等文狀未必可通上境無知之徒敢致如此良可驚也上真名位世莫得許詳遵依古典而用之則可若務過呼以真人為真君以真君為天君以使者為使則冒天禁甚矣上界男真極尊者稱道君女真極尊者稱元君亦諸天尊之類也今世但知杜撰過呼甚至以女君過呼道君者有矣及其經典不載之目人自云某真知某院某人為某主某人總天

省唯其意之所欲輒將天曹上聖自加遷除且矜已之所用異泉吁世可罔也而天可罔乎天上之分司列職嚴於世間故神仙有上界足官府之語毫分不可冒越而庸人乃敢妄亂褻瀆尤中亦頗見此等行用之人不為無報應也而未如警省者尚多合於上界列真稱臣而用申狀或者以為既稱臣則當具奏既用申狀則不當稱臣允中竊謂三代之時陪臣於諸國之君皆稱臣其於天子亦稱臣後世廢封建而為郡邑天下一家故不見陪臣之禮人間奏申之格秦漢已前無昭然之文可考但陪臣之上簡牘於其國必不敢與天子同禮也且君臣之分天地之大經也堯舜禹湯文武周公孔子作為教化詔天下後世其君臣之分父子之親夫婦之義亦應天而之也且以天文言之日月星辰燦然可親者已肇於開闢之初聖人未出之前君臣之分在天者素定矣北極居於天中與南極相對為天之樞紐日月萬星隨天而

轉惟兩極不動故天得以運也北極居於紫微垣中常現不隱晉天文志曰北極五星在紫微垣中北極北辰最尊者句陳口中一星曰天皇大帝居句陳之下今按天皇則位同北極則天象中之君也上則華蓋句陳覆之左右則上丞上衛諸星環之中斗魁魁魁魁居其前為喉舌之司調理四時斟酌元炁出納帝命總錄三界外則天市垣太微垣紫微垣各有帝座乃紫微垣之分司爾周天萬象日月星辰悉總于北極北辰在象而衆星拱之則此也聖人仰觀天文以考玄度亦因其素定者而稽之豈非聖人未出上天已有君臣耶且天市太微兩垣帝座尚不得以並北極矧中斗之內暗曜二星乃斗中之帝座爾近世妄人以旁通圖武威經北斗錄諸書悉更變其名撰作璇璣法遂徑尊中斗七元及斗中帝座二星皆與天帝同列文移章奏一依玉帝之例其為不典可勝言哉古科固有斗醮夫醮者道家總祭之名

非謂有醮法而便尊為上帝也以其事屬斗宮則總斗中衆真而專醮之以伸祈禱耳安可以有專醮之儀輒陞中斗星真以為天帝乎法中有稱斗星為天之太尉者有為天之上帝者乃以其主宰而言如東嶽進號天齊功德可以齊天非直以東嶽之神為玉帝也古科有四十二醮其中如丁甲之將八史之神亦皆有醮僅牽於專醮之義則亦陞丁甲之將為大帝可乎自星界而上九清十極之鄉非儒書所載無象度可窮然三洞正經四輔真典述之甚詳夫玄元始三炁聚而成形為三境至尊下則昊天北極天皇上應三炁宰御萬天為天之主允中今遵師授及參考事宜用第一等奏牘謂不敢以世間常禮而瀆天畧體章格古人祈告率多拜章今章文既不可常行未免更用奏牘則章文之餘意耳而非正章式也此一式世多未知或止從常格而不用此亦從便也自此而下諸天尊天帝天君古科正典所載者並用第一



等奏狀乃中古立教之後用世間奏狀格也而世間奏狀不用聖位以天下一君也若天尊上帝現象示形不可悉數今隨經科有名號者而奏位亦不一所以不得不入聖位於狀內若非正典所載而近世法中稱呼者皆不在此例如以玄中為天尊以天尊為天師為天君其類頗多皆不可憑據輕用自非天尊天帝道君元君者一例用申狀須位最貴如上境之真君權至要如紫微垣之中以至四聖上輔天省高真三官五師日月星宿悉從甲例却復稱臣者謂行持之士恐未能過度三界之上徑為金闕之臣或得道成真不過受書洞府號質空玄而已故於上界衆真亦當稱臣猶古者陪臣之於國君也不用奏狀者猶陪臣不敢尊其君為天子也設若行持之士道尊德隆自揆他日飛昇輕舉徑陟九清臣事三境則於上界衆真不必稱臣不用陪臣之例此則存乎其人愚意恐地界法官似未宜遽當此品然不可謂世無

其人是以允中不敢妄議也至於用表於師前以後世之禮君前方得用表今乃用表於師前於禮非便所當體効古者上太子以牋文選及古書皆有格故於師前以牋易表也若不分尊卑不問典格降三清玉帝與五師四聖三官七元皆為一等乃並用奏狀恐人間天上理皆不然如諸家法書或立格式令人用奏狀於五師七元者亦一時有失契勘不應因之而亂正理允中一介晚生幸陶真化罪緣深重未遇至人不練教科識見短淺非敢故為異論欺世濫名理之所在不忍甘心以從謬妄且大塊未判至道混融簡策不形無名可別中古以降科典宏敷因世定儀遂有開奏既立文字須按科條後世妄庸之徒或以為只據師傳形九或以為只循舊式十一然迷以傳迷而執夫師傳可乎俗格礙理而因夫舊式可乎而狂詐之言則云道以神會天以心通不專俟乎文字之間如此則果能出神面帝大定朝元矣其於奏申可停表

章可罷苟事未免於形質之間神未起空玄之上乃大言誇張以文過飾非恐為昏迷之下鬼矣奏申之格名分所關不可輕也於人間而以臣為君是亂天下也於高真而以臣為君豈非亂天上乎亂天下平其罪不容於誅亂天上者為無罪乎天人一理幽明一致下俗而輕紊天規雖天上不可亂也然誅心之法其罪為如何哉人若以此而立身行已為臣則不忠為子則不孝古者亂臣賊子專致擅權當時姦臣賣國之徒先期尊崇之以啓權臣之禍心則此等人也不恤謬妄不顧禮義詭詐為計諂佞存心其於冥間尚爾於人世可知矣行持之士叨受一籙獲傳一法遽以不經之典納諂於天其於行事尚爾於為人可知矣蓋關奏之儀教科所重故允中不得不委曲而條列之允中此論可聞之於上帝可白之於衆真非私意也非曲說也非是已而抑人也非已衆而沽譽也千靈昭列萬象森羅實鑒允中之用心也

上界申狀式

具法位臣姓某

右某謹據入意須至申

聞者

右謹具申

某聖銜 欲望

真慈允茲申請特與

施行臣干冒

真威下情無任惶懼之至謹狀

年歲次 月 日具法位臣姓某狀

中界下界如鄴都大帝扶桑大帝五嶽上

卿五嶽聖帝賜谷神王洞天福地主宰九

江水帝泰山府君地府六天十洞鄴宮凡

有司及累經封爵貴典祀之類當用申狀

前以司額年月下具銜位或狀前徑用銜

位亦可

中界下界申狀式

靈寶大法司

切照本司據某處入意須至申

聞者

右謹具申

某聖銜 恭望

聖慈允從申請特與施行

年歲次 月 日具法位姓某狀

中界下界之神位次稍輕及鄴宮泉曲諸

府九州社令城隍祀典太歲官君神虎將

吏皆用牒法官端楷僉名細謹押字不可

輕慢無禮且如州縣城隍自來天心諸法

並行公牒蓋法官濟人利物事皆公行兼

中界有鄴都大帝五嶽聖帝尊崇宜分高

下故也後世行遺失中狂妄之人則大書

押字言辭輕瀆無禮而退懦之士至有城

隍亦有申狀者過與不及悉為失格令具

二等牒式

靈寶大法司

牒上某神

當司據某處入意須至移文者

牒請詳前事理 謹牒

年歲次 月 日牒

具法位姓押

中界下界之神位稍輕或祀典得額而未

受封爵或山川之正神未受封額及法中

將吏之次者或尊貴典祀廟下分司之神

並用次等牒則牒前不用上字後只云故

牒於禮輕已若祀典之神雖不受今朝之

封號而是古之聖帝名王忠臣烈士生前

位號尊崇至今廟食者自當用申狀不得

一例行牒且如越中有大禹廟之類皆古

之聖君豈可輕忽自宜酌量事體施行可

也

牒式

靈寶大法司 牒某神

當司據入意須至移文者

牒請詳前事理 故牒

年歲次 月 日牒

具法位姓押

中界下界神祇位次早者及本司將吏如

天心中於嶽下借到將兵之類並用帖三

洞四輔法錄本有定品今世法書家數不

一流派散殊將吏名稱無限極不復在三

洞四輔之內矣若其高下位次既不出正

典則在行其法者自加詳酌

帖式

靈寶大法司

帖某神

當司據入意須至移文者

帖云云故帖

年歲次 月 日帖

具法位姓押

功曹并本司吏兵用關

應關引不可撰寫功曹姓名所宜叮嚀齋送關尾不得用如違等語法官行移全賴

功曹傳達古今齋醮壇儀皆以功曹為重

法官既未能乘空馭烝非功曹何所倚仗

儻輒加凌慢及寫如違自干壇律等語未

審有違則法官欲如何懲治關後當云以

時傳達切勿稽停之類可也正緣近世詭

詐之徒好異之士私見臆度杜撰法書是

致更易古文增飾舊典或取他書中符呪

添減撰集妄置名額自造印文偽立天條

詐作壇律千變萬化惑亂世人典格乖踈

行遣麓謬以致侮慢典祀憑忽正神不識

重輕文移失當有不可勝言者高達之士

當深考是非可也

關式

靈寶大法司

關某神

當司據入意須至關行者

右關某神施行故關

年歲次 月 日關

具法位姓押

凡人家司命土地神名位最小可以指揮

者用劄

靈寶大法司

當司據入意須至指揮者

右劄付某神仰詳事理特與遵準施行故劄

年歲次 月 日劄

具法位姓押

凡沿路土地發城隍牒或嶽下申狀不當

關功曹者用引付土地傳遞前去

靈寶大法司 引

當司今發某狀前去某處須至指揮

右仰某處土地某處等土地神以次遞發云

年歲次 月 日引

具法位姓押

凡關申之式大槩如此古者符法則出於經誥若行移文狀則體世法而為之然師尊付授其來久矣所宜稍遵舊典毋越禮

經輕重務得其中言詞不致碍理庶幾幽

明可格誠悃能通若法職不合古儀行遣

出於鄙俚以致上真名位亦加改更三界

神物多換曹局無非好奇尚異以眩一時

如北斗星宮却稱九宸玉闕之類則以意

妄加尊崇者也如日宮稱鬱儀宮之類則

以經中別號而用之似此尚多皆為失當

所是黃籙之齋顯幽并濟古今之所重者

今畧撰述奏申關牒一宗文字以備修建

若其事體之重輕行遣之詳畧却乃在高

功臨事自加裁度非取一定之規也預告

以至散壇但干狀牒悉列于左

凡應授黃籙投詞先期奏告

奏昊天上帝

具法位臣姓某

具法位臣姓某

右臣謹據某府州縣鄉貫某人等投詞擬就某處啓建

無上黃籙大齋上資

社稷尊靈升神霄漢

今朝皇帝壽等乾坤海宇又寧生靈昭泰

三途五道俱奠升遷九地六天悉祈超濟

集茲善果專為某人薦拔宗祖先亡保安

五姻六族臣承茲精禱不敢抑違除已擇

日開壇修建別行詳具上

聞外謹先錄狀上奏

太上開天執符御曆含真體道昊天玉皇上

帝王陛下臣恭望

天慈曲垂矜允容臣奉行仍乞告下三界

合屬有司照應候開建齋壇文移所至悉

與遵稟施行臣千冒

天威下情無任惶懼激切之至謹狀

年歲次 月 日具位臣姓某狀奏

右用引進狀申天樞院

具法位姓某

今為某人修建

無上黃籙大齋先期具奏

昊天金闕須至申上者

右謹具申

三天門下天樞院主宰高真恭望

聖慈特與通進施行謹狀

年歲次 月 日具法位姓某狀

預告申天省

具法位臣姓某

謹據入意除已擇日開壇謹先次錄奏

天闕外須至申

聞者

右謹具申

三天門下泰玄都省主宰高真欲望

真慈特與敷奏

天闕客臣奉行仍冀取旨告下三界合屬真

司照應候開壇建齋文移所及咸令遵

稟施行臣千冒

真威下情不勝惶懼謹狀

年歲次 月 日具法位臣姓某狀

預告申童初府

具法位臣姓某

謹據入意須至申

聞者

右謹具申

三天扶教輔玄大法天師正一靜應真君

真武靈應佑聖真君

翊聖儲慶保德真君

天猷副元帥真君

天蓬都元帥真君 恭望

真慈允今申請特與敷奏

天廷取旨行下三界合屬真司依格照應施行仍冀容臣書行符命給降靈寶官屬臣千

冒 真威不勝惶懼謹狀

年歲次 月 日具法位臣姓某狀

預告申三官

具法位臣姓某

謹據入意同前須至申

聞者

右謹具申

下元水官帝君



中元地官帝君

上元天官帝君 恭望

真慈允從申請特與行下三元九府百二十

曹十方三界應于合屬去處依格照應仍乞

容臣奉行俾成齋事臣干冒

真威臣下情不勝惶懼謹狀

預告申五師

具法位臣姓某

謹據入意同前須至申

聞者

右謹具申

靈寶度師真君

靈寶籍師真君

靈寶經師真君

三天扶教輔元大法天師正一靜應真君

玄中大法師 恭望

師慈同天省狀式

預告牒九州社令

靈寶大法司

牒上某州社令

所屬分野州名

當司據鄉貫某人投詞伏為某人年月日

時生於某年月日於某處身故令來乞行  
崇建

無上靈寶黃籙大齋黃籙晝夜用薦超生本

司據詞難抑除已錄奏

天闕外須至移文者

牒請詳前事理即與牒諸州社令關告天下

名山大川城隍典祀古跡靈壇考錄世人罪

福校量亡魂功過主掌魂魄宰制冥途應干

合屬去處悉令依格照應凡遇文移所及並

與遵守施行仍請前赴齋壇同力協贊俾遂

善功牒至疾速依應施行謹牒

年歲次 月 日 牒

具位姓 押

預告牒當處城隍

靈寶大法司

牒上某州城隍主者

當司據同前入意須至移文者

牒請詳事理即與行下管內名山大川及諸

州縣城隍典祀同前結尾

此黃籙預告大畧如此或欲詳盡則別增

申牒者臨時詳度而行但近世多牒天下

都城隍司及遍考典故並無所出如宋朝

建都之地亦止有本府城隍佑聖王而已

今駐蹕錢塘亦不過立臨安府城隍廟已

封顯正王夫城者州軍之城郭是也隍者

城外之池是也蓋此神乃主城隍之事是

一郡之所屬者也今若言都城隍則天下

之大恐不可總以一城一池繞之雖秦始

皇之長城東自臨洮北至遼水亦甫能繞

東北之半而已天下之大既不共成一池

城則稱都城隍者未便夫城隍之稱因城

池之建而有神以主者爾今無如是之城

池實難置其神矣以朝廷言之今無都城

隍之廟以道典言之又無所出故今牒九

州社令隨其分野以布文移可也近者亦

有人指冥中之他神以其意義相似者謂

便是都城隍殊不知城隍二字難以言天

下都作一城盡繞一池也儻自欲隨俗行

牒亦可但冥中無此神世間無此廟况黃

籙科式嚴重考錄功過神物司臨自預告

之後一符一字不可妄用不考是非公然

印押關告文檄豈宜不加謹審使其別有所據實有此神而不行文移却不致違背典格或無其神蹈非習妄以取美觀則冥譴可逃乎此說為博古高識之士而言之愚陋俗夫不學小輩必加竊笑矣學者更加考訂而行之

私家專薦一名啓建即用此齊意

具法位臣姓某

右臣謹據某人投詞伏為亡過某年月日時生於某年月日時身故經今幾日未測

升沉齋信效心摠誠列悃修建

無上黃籙大齋幾晝夜上資

邦國普福寰區開度五道三途保寧九州

四海集茲善果專用薦拔亡過某超生度

化臣據詞虔切不敢抑違除已擇日建

壇次第修建外須至先次錄狀上奏云

已上申奏狀關上界功曹日時主者逆發

上清靈寶大法卷之二十七

上清靈寶大法卷之二十八

仙

洞玄靈寶清微黃籙齋儀齋醮齋金籙

第二次奏

玉清 上清 太清 昊天 北極 天皇

地祇 東極

次申

天樞院引進 天省 玄師 三官 三師

五府 地府 水府 東嶽

牒

九州社令 當郡城隍 法中官將

奏玉清狀

具法位臣姓某

右臣久玷靈司素無善行職在宏教理合

濟時敢貢凡忱上干

宸聽臣謹據某等投詞乞崇建

黃籙大齋保國安家拔幽濟顯來詞動駕

不敢遜辭已於某月日預期奏聞

天關外切緣黃籙科法事極崇嚴臣么麼

微軀昏愚陋質未明忝候謬主齋修虛魔

障之莫除致顯幽之難濟況普度蒐瘳實

為深切若非先次頒行尚恐冥關拘滯須

至錄狀上奏

虛无自然元始天尊玉陛下恭望

道慈曲垂憫錄先次

原赦臣夙世今生深罪重過俾無魔障許以

敷宏仍乞下

奏玄都省照臣申請並賜頒降施行臣干冒

道威無任戰慄待罪之至謹狀

太歲 年月 日具法位臣姓某 狀

上清

太上道君洞玄靈寶天尊玉陛下

太清

太上老君洞神道德天尊玉陛下

昊天

太上開天執符御曆含真體道昊天玉皇上

帝玉陛下

北極

中天紫微北極大帝玉陛下

天皇

勾陳星宮天皇大帝玉陛下